



Na osnovu Odluke o raspisivanju javnog poziva fizičkim licima za iskazivanje interesa za obavljanje poslova likvidatora broj: 04-2-2459/22 od 08.06.2022. godine, Agencija za bankarstvo Federacije Bosne i Hercegovine o b j a v l j u j e

J A V N I P O Z I V **za iskazivanje interesa za obavljanje poslova likvidatora banke**

Predmet ovog Javnog poziva je iskazivanje interesa za obavljanje poslova **likvidatora banke u postupku prinudne likvidacije**, u bankama sa sjedištem u Federaciji Bosne i Hercegovine.

Uslovi za angažman:

1. VSS-VII stepen stručne spreme, odnosno visoko obrazovanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja,
2. 5 godina iskustva u struci, s odgovarajućim iskustvom i posebnim znanjima iz oblasti bankarstva,
3. položen stručni ispit za stečajnog upravnika, odnosno da se isti nalazi na listi stečajnih upravnika kod Ministarstva pravde Federacije Bosne i Hercegovine,
4. izražene komunikacijske i organizacijske sposobnosti,
5. da nije u sukobu interesa u odnosu na banku, dioničare, članove nadzornog odbora i uprave banke, te nosioce ključnih funkcija,
6. da nije osuđen u sudskom postupku za kršenje zakona, u smislu njegovog poslovnog ponašanja,
7. da nije proglašen krivim za ozbiljan profesionalni prekršaj od strane nadležnog suda i
8. da je državljanin Bosne i Hercegovine.

U eventualnom procesu angažmana likvidatora u svakom pojedinačnom slučaju posebno će se cijeliti uslovi predviđeni ovim Javnim pozivom pod tačkama 5., 6. i 7., kao i zahtjevi predviđeni članom 64. stav (4) i stav (5) Zakona o bankama.

Uz svojeručno potpisanu prijavu kandidata potrebno je dostaviti:

- a) CV - biografiju, kontakt telefon i e-mail,
- b) uvjerenje o državljanstvu,
- c) izvod iz matične knjige rođenih,
- d) dokaz o stručnoj spremi o ispunjavanju uslova iz tačke 1. ovog Javnog poziva,
- e) dokaz o radnom iskustvu u struci o ispunjavanju uslova iz tačke 2. ovog Javnog poziva
- f) potvrdu o položenom stručnom ispitu iz tačke 3. ovog Javnog poziva i
- g) izjava kandidata svojeručno potpisana, sa ovjerom potpisa od strane nadležnog organa, o ispunjavanju uslova iz tačke 6. i 7. ovog Javnog poziva.

U eventualnom procesu angažmana likvidatora kandidati su dužni dostaviti ovjerenu izjavu o ispunjavanju uslova iz tačke 5. ovog Javnog poziva, kao i uvjerenje da se ne vodi krivični postupak i uvjerenje o nekažnjavanju, izdato od strane nadležnog suda i nadležnog organa, o ispunjavanju uslova iz tačke 6. i 7. ovog Javnog poziva.

Na osnovu dostavljenih prijava, Agencija za bankarstvo Federacije Bosne i Hercegovine će formirati listu potencijalnih likvidatora, za obavljanje poslova shodno odredbama Zakona o bankama i o sačinjenoj listi obavijestiti sve učesnike iz ovog Javnog poziva.

Oglas je otvoren 15 (petnaest) dana od dana objave.

Prijave, sa dokazima o ispunjavanju traženih uslova (original ili ovjerene fotokopije) slati u zatvorenoj koverti na adresu:

Agencija za bankarstvo Federacije BiH
71000 Sarajevo
Zmaja od Bosne 47b.

Na koverti potrebno štampanim slovima naznačiti: **JAVNI POZIV ZA LIKVIDATORA**

Nepotpune i neblagovremene prijave neće se razmatrati.

Agencija nije obavezna vraćati dokumentaciju dostavljenu uz prijavu.

